



Broj:11-01-38
Sarajevo, 19. 7. 2011. godine

SKUPŠTINA KANTONA SARAJEVO
N/r Mirjana Malić, predsjedavajuća

PREDMET: Odgovor na zastupničko pitanje

Poštovana,

zastupnik Mirsad Pindžo je na Petoj radnoj sjednici Skupštine KS (28. 6. 2011.) postavio pitanja: “Da li je Školski odbor JU OŠ Zaim Kolar, Dejčići, u skladu sa Zakonom, donio odluku o imenovanju direktora navedene javne ustanove za naredni mandatni period?”

“Da li je tačno da je ministar obrazovanja i nauke KS pokrenuo aktivnosti za smjenu Školskog odbora ove javne ustanove i imenovanje v.d. Direktora te ukoliko je odgovor pozitivan, na osnovu čega je ministar pokrenuo te aktivnosti?”

Odgovor:

Poštovani,

prije svega dozvolite da izrazim zadovoljstvo zbog interesa za rješavanje nastale situacije u OŠ “Zaim Kolar” u Dejčićima, Trnovo, s obzirom na izuzetno kompleksan problem sa kojim smo se susreli.

Aktivnosti ka razrješenju starog Školskog odbora su započete nakon što je Ministarstvo, u nekoliko navrata, zaprimilo pisana obavještenja i zahtjeve Vijeća roditelja, članova Školskog odbora, zaposlenika škole i ostalih subjekata i aktera zainteresovanih za neometan i zakonski utemeljen rad škole. U pisanim predstavkama navedeni su izrazili negodovanje zbog lošeg funkcionisanja školskog odbora i otežanog rada škole, čija je kulminacija nastala pokretanjem procedure izbora i imenovanja direktora škole.

Pojedini članovi Školskog odbora, nakon pisanih i usmenih instrukcija Ministarstva obrazovanja i nauke KS, odbili su postupiti po našim uputama i takvim djelovanjem uzrokovali su nejedinstvenost rada ŠO, a posljedično i ukupan rad škole.

Konkretno, Vijeće roditelja JU OŠ “Zaim Kolar” je dostavilo dopis Ministarstvu i zatražilo smjenu, izglasavanjem nepovjerenja, predstavniku roditelja, koji nije poštovao prijedlog Vijeća roditelja u vezi sa izborom direktora škole.

Uposlenici škole su takođe tražili smjenu, izglasavanjem nepovjerenja, članu ŠO – predstavniku uposlenika – koji nije poštovao njihov prijedlog u vezi s izborom direktora škole.

Uzimajući u obzir volju roditelja, Ministarstvo se obavezalo poštovati stav predstavnika Vijeća roditelja u vezi sa izborom direktora te je i predstavnik osnivača ignorisao prijedlog roditelja i uposlenika, zbog čega je pokrenuta procedura za razrješenje članstva u Školskom odboru.

Ministarstvo obrazovanja i nauke KS je, uzevši u obzir da je za četiri od pet članova ŠO pokrenuta procedura razrješenja članstva, uputilo Općini Trnovo prijedlog da imenuje novog predstavnika lokalne zajednice u Školskom odboru, jer smatramo da su svi članovi Školskog



odbora podjednako odgovorni za uslozljavanje situacije u OŠ “Zaim Kolar”.

Napominjemo da naš prijedlog ni u kom slučaju nije obavezujući.

Članom 17. Pravilnika o izboru i imenovanju školskih i nadzornih odbora OŠ i SŠ (SN Kantona Sarajevo, broj: 25/04) propisani su slučajevi i kojima imenovanim predstavnicima prestaje mandat, odnosno kada se pokreće inicijativa za njihovo razrješenje kao člana školskog odbora.

Dakle, Ministarstvo obrazovanja i nauke KS je slijedilo zakonske propise i poštovalo je volju roditelja i uposlenika prilikom procedure za izbor direktora JU OŠ “Zaim Kolar”, a kao direktna posljedica nepoštivanja volje roditelja, nepoštivanja instrukcije osnivača svom predstavniku te nepoštivanja volje zaposlenika škole, pokrenulo je proceduru za smjenu Školskog odbora OŠ “Zaim Kolar”.

Podsjećam Vas da je Stranka za BiH, čijem klubu zastupnika pripadate, na sjednici Skupštine Kantona Sarajevo održanoj 31. 5. 2011. godine, podržala prijedlog Centara civilnih inicijativa (CCI) za depolitizaciju izbora direktora i školstva u cjelini, kojim prvenstveno roditelji, ali i uposlenici neposredno utiču na proces izbora direktora škole.

S navedenim u vezi, pozivam Vas da budete dosljedni u Vašoj podršci ovakvom prijedlogu CCI-ja te upravo roditeljima i uposlenicima dopustite pravo izbora direktora škole, bez miješanja politike u vidu pritiska lokalne zajednice, pa i osnivača.

U prilogu Vam, takođe, dostavljam i relevantnu dokumentaciju koja potkrepljuje izrečeno u odgovoru na Vaše pitanje.

Srdačno!

MINISTAR

Dr. Emir Suljagić



web: <http://www.monks.ba>,
e-mail: mon@mon.ks.gov.ba;
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

